



會昌縣志卷六

水利志

潤萬物者莫潤夫水水之德靈以長已顧宏流巨浸利  
舟楫而濫觴之源涓涓不絕滌而蓄之均有濟焉昔人謂  
陂池之設灌溉可資其諸三因十四議所由與乎會邑地  
多磽确為然旬不雨則溪澗立涸或連雨兼日則又濟騰泛  
溢而無所蓄止之蕩之均之防之是非旱澇之一脩乎志  
水利

一水出絨田至芙蓉砦廻龍庵溪口入湘山田資其灌溉



會昌縣志 卷六 水利

一水出青溪山注青溪以由蕭帝巖半岡上營至白埠陂灌田千餘畝入于湘

一水出大黃沙過西巖下營至羅田入湘灌田千餘畝

一水出葛嶺岩頭山由上干注大坵陂灌田百餘畝又一水出北嶺由松林至下河土人就兩岸築堰可灌田千餘畝復由中桂陂水口入湘

一水出飯羅一水出逕山二水分左右過上堡又一水出牛牯坑下堡以上均灌溉三水合流至沙山下溪入湘一水出三峰嶺左右分流左水中大小礫右水由增坊均

利澤既至小溪橋入湘

一水出大小南坑注白石陂注沙河入湘

一水出墳坑又一水出松塘至城濠合流入大甫田灌田百畝至第一橋入湘

一水出丁峰嶂山因資其灌溉至第二橋入湘

一水出至第三橋入湘灌山田頌文

一水出丁峰嶂并案山水可灌田數十畝至第四橋入湘一水出沙山騰山人資以灌田至第五橋入湘

一水出平地曠可引灌田至塔下上口入湘

一水出磊石可灌田數畝至塔下下口入湘

一水至七灘面入湘頗可灌溉

一水出長教龍車由上下照至黃庄舖入湘可灌溉

一水出松樹嶺與右邊和尚田合流由謝田至羊角入湘

可灌百餘畝

一水出老鼠尾由陳坑至白沙其泥坳入湘可灌田

一水出獅子岩由白鵝可引灌田至爐下入湘

一水出紫坑山利灌山田至黃嶺灘入湘

一水出南北嶺一水出洋石嶼又一水出河頭與南北嶺

洋石嶼二水合流至大照又一水出東坑由小照至半

照陂與大照水合經白埠口入湘灌田千餘畝

一水出洞頭歷中村陂半浮子至里坑出口入湘灌田

百畝

一水出高嶼官豐龍獅頂湖土山合增坑漫河條田

官村至夾水合小菌溪大為灌溉之利至岩入湘

一水出洋石隘烏鴉泊一水出白雲山小瀧山曉族至案

背合羊石隘烏鴉泊水注雷田陂經豐山下山小沙大

洞百丈磔至來龍入湘灌田千百餘畝

一水出半畚由上洋歸坑至廟角灘入湘灌溉甚濶

一水出文溪深塘至仙鷲兜水入湘山田利之

一水出上温坑由大鷲營坊榜江入湘頗利灌溉

一水出大乾嶼半逕一水出蘭山嶼二水會津渚又合曰

乾高牙等水過黃天岸可田打石江入湘

一水出東鄉由古方小堤至蔭山岫入湘灌田千餘畝

一水出自竹至懷仁入湘山田之

一水出杉山坑蓮子之左邊由珠蘭舖至觀音橋入湘

### 灌山田

一水出蓮子嶼右邊至蠶口窰下入湘頗利

一水出鳳凰嶼雷公坑至水出七六橋一水出曰

竹均三水會大陂至洛口入湘灌田數百畝

一水出小里背注官陂由五里坪之入綿灌田數百

### 畝

一水出鳳凰嶼左邊由白竹橋火珠石官路下入綿百畝

### 以灌溉

一水出白沙嶼右邊經白竹又一水出分水嶼東二水至

營下合流入綿山田利之

一水出鳳凰嶺中發北磔與右邊水合至破塘入綿可灌  
山田

一水出金雷公坑由至善安出會昌承鄉百江墟洛  
陽降字龍小密腰龍夾水灌田千餘畝至承口江入  
都

一水出分水嶺後由石頭逕五里山抵陂雞化龍至宋屋  
橋入承口江之左田賴其灌尤

一水出仁風嶂一水出鹿坑由山山下一水發黃沙由水  
頭亂石三水合石鼻頭均甚資田灌溉至魚濂

一水出流坑由磔下至古寮入濂可資灌溉

一水出松山下一水出黃公山至中坊會松山下水入前  
田陂一水出鐵山一水出半口二水會于豐田

大庄會萬田陂水一水出青雲嶂由長田舖雞公埧會  
大庄水至錫坑渡入濂高日濂人灌既者千餘畝

一水出鑿匙頭由丹坑嶂承寮前至丹坑口入灌田數  
百畝

一水出東坑一水出大遷至高排而二水合一水出朱坊  
至圍龍合高排水均利灌溉至長沙入濂

一水出田尾至里田入濂可灌田百餘畝

一水出九龍窟合平坑水出高蘭曉村至曉龍口入濂高

下資其灌溉

一水出冷水砦至大灣入濂可灌山田

一水出小龍潭至長賴入濂可灌漚

一水出七竹堤由黃竹坑樟坊尾至樟坑口入濂田多賴

其灌溉

一水出薯坑礫由金剛肚乾冲石嶺入濂可溉山田

一水出塘坑尾由瀑布礫正坑胡村岐官田

大溪口入濂所溉甚薄

一水出下車至竹山下入濂頗資灌溉

陂附

湘鄉

三江陂

石礫陂

中田陂

藥蕪陂

中村陂

半照陂

石沙陂

門河陂

坑內陂

石峽陂

松下陂

大湖陂

石壁湖陂

黃泥陂

三車陂

車陂

雷田陂

小車陂

杜下陂

清溪陂

流陂

礫下陂

石峽陂

白埠陂

傳空陂

長流陂

小石陂

中桂陂

新陂

水碓陂

溪口陂

中田陂

猪子陂

上礫陂

羅坊陂

申村陂

好水陂

陂塘陂

中陂

高陂六座

東古陂

石鰲陂

葉屋陂

合水陂

新村陂

白溪陂

劉埠陂

小山陂

廟背坑口

在陂塘

上山汗陂

一座

劉村對江陂

白石門坑陂

承鄉

田頭陂

廟前陂

大汗陂

溪背陂

劉坑陂

朝下陂

汪水陂

鐵較陂

大礫陂

大圳陂

石橋陂

王坑陂



賴分陂

胡村陂

大田陂

門前陂

大坑陂

盧龍陂

石虎陂

石田陂

大田陂

東坑陂

石龍陂

天舍陂

大村陂

甘田陂

官陂

藍陂橋陂二座

龍門橋至王田堡陂五座

塘附

文家塘

高山腦塘

俱在城內之西遇旱放水由濠至大埔田數百畝賴以灌溉

濠塘

沈屋塘

蓆草塘

井下塘

石結塘

俱在大埔田

官塘

大蓮塘

野猪窩塘

在岡

門前塘

在岡

至公

塘

在蔭田陂灌五百畝

灌潤塘

在蔭田陂灌六百畝

中塘

在蔭田陂

松山下

塘

月形塘

塘背塘

曲尺塘

白衣廟前塘

塘巴

塘

蓮塘下塘

在東水

犁壁嶺大塘

灌潤數百畝

黃泥塘

馬寨

落瀆塘

在陂塘屋背

苦板塘

在棠梅塢

均塘

塘

在沙坑

菱角塘

在富尾

熱水塘

即溫塘在白埠塘周遭百畝魚甚肥美名膏魚

田尾塘 蔡塘 謝竹坑塘 社坑塘 社背塘 菟麻

塘 竹絲塘 俱在霞族 深塘 官路塘 黃泥塘 石塘 俱在

文 白背塘 馬臍塘 在文侯大墓前切背 龍塘 在桐梓樹下 上山

塘 下山塘 在大魚潭 嶺背塘 早杏塘 在上文坑 大山塘二

口 在鵝鵲堤 松塘 在沿堤瓦子塘左半里許 灌塘 在沿堤社背泉出不竭灌田甚便魚亦肥

美 蓮塘 一在湘鄉周田廣數十畝一在承鄉蓮石山下 羅瀆沙塘 在筠嶺魚甚肥

美塘岸有土地龕每當春畜魚及冬月取魚時必以雞祀土神而其塘之魚每尾有硃點二其魚即飛跳別塘硃點依舊可認其神如此

續輯水利

一上塘古陂二座均由青溪發源一為上陂自嚴田屋腳

下分流經半岡畝石虎嶺門首一帶而來上塘堰下上

一坊所灌蔭田數千畝人家所食之水俱取于此一為

下陂自石虎嶺畝村村地方因水勢湍激每有變易官

斷陂源因水勢之便由上塘堰下一坊經過流於當田

畝一帶灌蔭田數千畝人家所食之水亦取於此

一新陂水源發自大堤師工潭地方經嚴田半岡一帶而

來流布於上塘岡腦大塘中塘及半岡路等處所灌蔭

之田數百畝

九

會昌縣志卷七

學校志

米廩成均厥制最古迄乎有周學兼四代讀菁莪棫樸諸  
詩得人所以獨盛也我

朝昭明

聖學崇道尊儒其于釋奠先師之典禮益加隆所以莘莘俎  
豆庠序盈門海內之士莫不優游自得玉潤金聲矧斯邑  
素稱文物可不爭自琢磨臻於斯路乎志學校

明倫堂元以前無考明萬歷四十三年乙卯知縣冒夢齡

建于

文廟後

國朝順治戊子燬于兵七年庚寅知縣王洵重建康熙八年

乙酉知縣王凝命改建

文廟左康熙四十五年丙戌奉提督學政劉綬檄修

文廟將明倫堂移進一尺雍正八年庚戌復升高三尺乾隆

二十五年庚辰署知縣張若翼復加修葺

御製卧碑文

順治

朝廷建立學校選取生員免其丁糧厚以廩膳設學院學道

學官以教之各衙門官以禮相待全要養成賢才以供

朝廷之用諸生皆當上報

國恩下立人品所有教條開列於後

一生員之家父母賢智者子當受教教父母愚魯或有非爲

者子既讀書明理當再三懇告使父母不陷于危亡

一生員立志當學爲忠臣清官書史所載忠清事蹟務須

互相講究凡利國愛民之事更宜留心

一生員居心忠厚正直讀書方有實用出仕必作良吏若

心術邪刻讀書必無成就爲官必取禍患行害人之事

者徃徃自殺其身常宜思省

一生員不可干求官長交結勢要希圖進身若果心善德全上天知之必加以福

一生員當愛身忍性凡有司官衙門不可輕入即有切己之事止許家人代告不許于與他人詞訟他人亦不許牽連生員作證

一爲學當尊敬先生若講說皆須誠心聽受如有未明從容再問毋妄行辨難爲師亦當盡心教訓勿致怠惰

一軍民一切利病不許生員上書陳言如有一言建白以

違制論黜革治罪

一生員不許糾黨多人立盟結社把持官府武斷鄉曲所作文字不許妄行刊刻違者聽提調官治罪

御製訓飭士子文 康熙四十一年

國家建立學校原以興行教化作育人才典至渥也朕臨御

以來隆重師儒加意庠序近復慎簡學使釐剔弊端務

期風教修明賢才蔚起庶幾棫樸作人之意乃比年士

習未端儒效罕著雖因內外臣工奉行未能盡善亦由

爾諸生積錮已久猝難改易之故也茲特親製訓言再

加警飭爾諸生其敬聽之從來學者先立品行次及文學學術事功原委有序爾諸生幼聞庭訓長列宮牆朝夕誦讀寧無究心必也躬修實踐砥礪廉隅敦孝順以事親秉忠貞以立志窮經考業勿雜荒誕之談取友親師悉化懦盈之氣文章歸於醇雅毋事浮華軌度式於規繩最防蕩軼子矜佻達自昔所譏苟行止有虧雖讀書何益若夫宅心弗淑行已多愆或蜚語流言脅制官長或隱糧包訟出入公門或唆撥姦猾欺孤凌弱或招呼明類結社邀盟乃如之人各教不容鄉黨勿齒縱倖

脫穢撲濫竊章縫返之於衷寧無愧乎况乎鄉會科名乃掄才大典關係尤鉅士子果有真才實學何患困不逢年顧乃標榜虛名暗通聲氣夤緣詭遇罔顧身家又或改竄鄉貫希圖進取囂凌騰沸網利營私種種敝端深可痛恨且夫士子出身之始尤貴以正若茲厥初拜獻便已作姦犯科則異時敗檢踰閑何所不至又安望其秉公持正爲國家宣猷樹績膺後先䟽附之選哉朕用嘉惠爾等故不禁反復惓惓頒茲訓言爾等務共體朕心恪遵明訓一切痛加改省爭自濯磨積行勤學以

圖上進國家三年登造東帛弓旌不特爾身有榮即爾  
 祖父亦增光寵矣逢時得志寧俟他求哉若仍視為具  
 文玩愒弗傲毀方躍冶暴棄自甘則是爾等冥頑無知  
 終不能率教也既負栽培復于咎戾王章具在朕亦不  
 能為爾等寬矣自茲以往內而國學外而直省鄉校凡  
 學臣師長皆有司鐸之責者並宜傳集諸生多方董勸  
 以副朕懷否則職業弗修咎亦難追勿謂朕言之不預  
 也爾多士尚敬聽之

學額

歲試取入文章一十二名武童一十二名科試取入文章

一十二名額設廩膳生二十名增廣生額同

學地學田附載於後

一東門外地基一塊濶一丈三尺深三丈

又董店後半畝

一東門外地基一塊濶八尺深二丈

一學前地基二塊濶二丈一尺

一學前地基一塊濶一丈七尺深一丈五尺

一老青雲路地基一塊濶二丈八尺深一丈八尺

一學前照墻地基濶八尺深一丈八尺

一學前照牆地基前濶七尺後濶一丈六尺深五丈二尺

一學前東邊地基濶一丈八尺深五丈

一學前青雲路地基濶一丈深二尺

一老東門地基一塊濶二丈 尺深九尺

一老東門地基一塊濶五丈一尺深一丈三尺

一老東門外地基一塊濶一丈一尺深三丈四尺

一老東門外地基一塊濶八尺深二丈

一老東門內地基一塊濶一丈深八尺

一照牆背地基一塊濶八尺深一丈八尺

一老東門內地基一塊濶六尺深二丈

一老東門外地基一塊濶一丈三尺深三丈

一學前地基一塊濶一丈深五尺

一老東門內地基一塊濶二丈一尺深二丈

一學前照牆背地基一塊濶八尺深一丈八尺

一老東門內地基濶六尺深一丈

一老東門內地基一塊濶四尺深一丈五尺

一老東門內地基一塊濶四丈深三丈五尺

一東門內李又曾住房地基四塊未丈



一東門老青雲路學地一塊濶二丈八尺深六尺又左邊一塊橫計四丈濶八尺

一東門左邊地基一塊前濶一丈五尺後濶九尺深一丈一丈五尺

一東邊學地基一塊濶二丈五尺深七丈五尺

一東邊學地基一塊濶二丈深四丈八尺

一北門內<sup>宮</sup>之後地基濶二丈深四丈

一學宮西基地基一塊濶七尺深三丈

以上地邊左右前後界址俱載各姓租帖內存學

一水東矮寨背學田四畝半

一水東蔭田陂學田四畝

一水東蔭田陂學田三畝

一湘鄉司背學田二畝 此田額租六石六斗載秋糧三

升六合係湘鄉鴉鵲壩吳逸捐今秋糧仍在吳盛戶戶

丁吳熙貞公嘗完納

一湘鄉白埠塘學田二畝

一湘鄉白埠塘學田二畝

一湘鄉鱻田學田二畝

會昌縣志 卷一  
一湘鄉社官壩田二畝

一湘鄉白埠九經霸一塊

以上田租額數俱載學冊

### 新增學額

會昌學舊額文武俱十二名同治四年蒙

恩加增文武永額各八名廣額四十二名逐屆遞推

### 加廣學額記

學設廩膳生增廣生各二十名歲試向取文章一十二名  
武童一十二名科試向取文章一十二名定額多年未  
嘗增減咸豐間髮賊竄擾江右會邑迭次辦理軍務雖  
地方素瘠家罕庶封頗同仇敵愾之風忠義發於天性  
聚兵籌餉爭出家財統計團練捐輸防勦經費自六年  
起至十一年止共用過銀二十二萬九千五百餘金除  
外縣所助不計外本處紳民實捐銀十六萬五千餘兩  
知縣張輔宸造冊報銷詳請核准同治四年護巡撫孫

公長紱以邑民辨團出力歷年踴躍輸將奏請分別獎叙並加增文武學額以廣

皇仁而振士氣蓋援二年新定章程卽御史華祝三所上者也旋奉

俞旨交部核議嗣經戶兵二部議准以捐款之半八萬兩作爲加廣永遠文武學額各八名餘半八萬四千兩作爲加廣文武學額一次各四十二名自下屆爲始每屆附廣分作四次取足五年夏行知到邑得邀曠典

殊恩從此歲科取士悉照新增之數合舊額共成二十名

朝廷隆作養之條閭里慶遭逢之盛不特諸生加額謹呼自奮益思勵學卽曩時傾囊助義者其人雖非儒士亦爲闔邑光寵計樂觀斯成欣欣然走相賀焉

此案既經題奏除奉

旨分別加廣文武學額外部議以所捐銀數准照常例加四之一請獎其捐職銜及

封典者計文職鄒嶧鵬等五名武職李祥盛等十二名捐貢

監生王振清等一千一百四名均經核准給發執照

皇恩浩蕩千載一時地方官之督辦報銷者始於知縣黃曾

慰成於知縣洪贊善終於知縣張輔宸董局中造報  
及赴省清算者訓導鄒徵彥及子瑞郊舉人曾雲藻  
拔貢鄭炳輝教職胡輿閑等官紳協力辦理乃克告  
厥成功而邑民急公好義之誠得以上邀優叙焉

附誌

會昌縣志卷八

公署志

傳稱叔孫所居雖一日必葺其墻屋去之如始至非以壯  
觀美也蓋設官立署規制相亞義取向明道隆敷布湫隘  
翬塵其亦不可朝夕從事也顧是芟是舍古人信宿所處  
諷思胡奕禩焉職思其居有自來矣登斯堂者將於是侈  
廣厦乎抑為民奠安宅耳志公署

上諭亭在老東門內敬奉

龍牌於中每月朔望知縣率屬官宣講

會昌縣志 卷八  
聖諭教誨軍民

會昌縣治在城北宋太平興國七年建紹興四年陞爲軍  
軍使趙汝回增建譙樓額曰嚮明

元至元中寇燬元貞二年復爲州大德元年州守達魯花  
赤別普花復建學正程從禮記

明洪武戊午災洪熙甲辰知縣陳銘又建景泰甲戌知縣  
陳隅增建聽事及吏房六成化庚子知縣梁潛新之宏  
治丁巳知縣馬騏撤新內堂嘉靖甲午知縣李璋再修  
正堂額曰忠愛設幕庫戒石亭甬道儀門外左右爲榜

亭前爲麗譙樓廳事後爲川堂爲保赤堂又後爲知縣  
廳譙樓西爲獄樓之外東爲申明亭西爲旌善亭萬曆  
己酉知縣冑憂齡設縣前屏牆

國朝順治五年戊子燬于兵僅存知縣廳七年庚寅知縣王  
洵捐建正堂及幕廡東西翼以修廊爲諸吏案牘房洵  
自爲記鐫于石康熙元年壬寅知縣王志鰲捐建川堂  
及儀門譙樓九年庚戌知縣王凝命增建寅賓館于譙  
樓東館之後爲土地祠建贊政廳于廳事左四十七年  
戊子知縣董霆改廳內東書房爲廚房五十三年甲午

知縣黃鶴又重新之雍正五年丁未知縣傅之誼改戒  
石亭爲坊後知縣某榜

上諭於坊之南面乾隆年間知縣戴體仁重修嘉慶二年知縣  
陸模孫復行敬謹繕修

儒學元以前無攷明洪武元年戊申知州張桂重建教諭  
廳于明倫堂之後建訓導廳于學宮右邊中爲講堂左  
右爲肄業舍乾隆二十五年教諭姚芹訓導宋秉忠勸  
捐增修其訓導廳大門出路原由啟聖祠墻背折向廟  
左嘉慶三年戊午訓導王章因形家言廟右邊閉氣購

買民店爲移廳大門出路以舒其氣又買民房增修書  
屋于署後

湘鄉巡檢司署在縣南八十里雷公塘宋嘉定庚午巡檢  
盧佑建明洪武間巡檢王文質繼修

國朝乾隆三十年閏二月移駐筠門嶺三十一年換改筠門  
司邱乾隆四十五年七月初一筠嶺司署洪水衝塌僅  
存基址今爲菜地賃租歸司仍駐雷公塘舊署

承鄉巡檢司署在縣北八十里西江墟明宣德中巡檢王

祥建

國朝康熙中承鄉巡檢嚴恭捐建乾隆三十年閏二月奉裁  
廨宇傾圮地基猶存

典史廨在縣治西內西書房之前保赤堂之右止隔一牆  
廳門外由西數武折而南爲甬道左折而東會于縣儀  
門之外順治初燬官皆僦屋以居康熙三年甲辰典史  
紀統剛重建後任王大憲增建後舍乾隆十五年庚午  
典史蔡理于甬道捐建木坊額曰襟帶湘江

守備營署在羊角水明嘉靖二十二年建順治五年燬于  
寇順治八年辛卯守備秦士彥復建康熙四十年辛巳

守備軍載廷捐建儀門五十二年癸巳守備馮友玉捐  
修頭門雍正五年丁未守備奚世傑捐修二堂

把總署在南倉內乾隆七年辛酉知縣仲作楫把總林大  
雄會詳請建其界址東西北三面俱屬官地署後緊連  
南禪寺

分防外委隨營

演武廳

一在縣西南一里許大甫田之右中建演武廳前爲虹門  
兩翼爲營房明正德中守備趙鉞戴瑄陳備相繼修葺

隆慶四年知縣陳宗虞重修今廢東邊墩臺一座舊有觀稼亭亦在教場東南角今廢

一在羊角水堡城北一里大坪萬歷四年遷于湘水之北中建演武廳左右建關帝元武二廟東西暨蓋兵房監造官王應斌

國朝順治辛卯守備秦士彥重修乾隆十三年都司張拓重修演武廳關帝廟嘉慶十年都司李達成增建火神廟陰陽學醫學舊俱在縣治前明正德九年知縣王倫建今俱廢

僧會司在南禪寺後移水月禪院今缺

道會司在天貞觀今廢

旌善亭在縣治屏牆西申明亭在縣治屏牆東康熙七年戊申知縣王凝命捐建乾隆十五年庚午知縣戴體仁重修後被縣役改作店房盜賣道光三年修志

### 常平倉

南倉共七廩在縣治南街之右把總營側北倉一廩在縣治東北

院司倉一廩在舊院空右寅賓倉一廩在麗譙樓內左即寅賓館

新兩倉一廩在儀門右大堂左倉一廩



大堂右倉一廩

新東倉一廩

日字廩

月字廩

盈字廩

昃字廩

辰字廩

列字廩

張字廩

宿字廩

以上八廩俱在署內共貯穀二萬四千三百六十七石六斗九升一合八勺四抄

社倉九所共貯穀一千八百六十一石七斗五升

麻洲墟一所

中村一所

分水隘一所

石螺登一所

盤石堡一所

高蘭一所

莊埠一所

千工堰一所

在城一所

以上共九所儲穀一千一百一十石零歷年造報仍憑老冊同治九年郡檄委員馬修本會同知縣劉長景確查嗣各堡紳耆聯名稟報自遭長髮賊屢次犯境社倉被毀僅餘基址原儲穀石籽粒無存詳請豁免社穀一千七百三十九石零而城內之倉原儲穀一百七十二石二斗二升九勺亦復有名無實但邑城完善當作現存在以後有司設法買補此穀方有着落耳

育嬰堂在高山腦下首乾隆年間知縣詹兆駒建其後久廢圮邑人歐斯濟復行捐修同治十一年知縣劉長景

以其地爲毓英義學

考棚在縣治東街舊院司地嘉慶十七年知縣曾暉春率  
邑人倡建壬申鳩工中戌告成董其事者邑紳劉鯤饒  
仁隆王茂廷也

續增衙署

院司

卽謝志所載  
都察院行臺

經兵燹後無存其基改建學宮康熙元

年壬寅知縣王志鰲始就嶺北道舊址

在今學  
宮東

創建中

爲堂左爲耳房前爲東西廊爲儀門頭門今改爲

文昌宮考棚

### 附錄天啟府志

都察院行臺在縣治東普係守禦所嘉靖辛酉知縣陳諫  
改修中爲堂額曰風紀後爲川堂爲寢室前後各爲東  
西廊前爲儀門爲大門今漸圯壞 嶺北道在都察院  
左中爲堂曰貞肅餘視院制同

按都察院內舊有王文成公守仁大書憫雨詞于屏其  
詞曰嗚呼十日不雨兮田且無未經月不雨兮川且無  
波經月不雨兮民已太疴再月不雨兮民且奈何小民  
無罪兮天無咎民巡撫失職兮罪在予身嗚呼盜賊兮

爲民太屯或怒此兮赫威降嗔民則何罪兮玉石俱焚  
嗚呼民則何罪兮天無遷怒勃然興雲兮雨茲下土彼  
罪曷逋兮哀此窮苦臬載按詞意懇望憂國憂民百世  
下如聞其聲如拭其淚公行未至零都遂得大雨宜上

天鑒其誠也

邑人吳湘臬  
據府志補

會昌縣署前門正對南街石坊相距不踰三丈而門樓卑  
隘不足以壯觀瞻術者謂爲向方壓主故民不畏法同  
治八年知縣劉長景將前門拓高數尺附以屏牆立木  
牌坊一座高出石坊之上顏以化民成俗四字景象煥  
然一新自後民情又安著有成效及至十年署之後堂  
爲風雨所毀不可復居此外各處房屋亦多坍塌蓋自  
康熙之季迄今已百有餘年矣於修葺矣而劉公復整  
理頭門東花廳二堂三堂重建四堂五楹及左右耳房  
又將後院倒敗倉廩舊料截長補短就廚房之北建室

二間是年冬月申報完工知府魏瀛手書各門堂匾額  
頒發

儒學西齋內堂及書舍厨房等處年久失修牆壁全欹同  
治二年訓導王驥履任懼其覆壓不敢入居教諭陳良  
棟慨然捐俸八十千文為之倡諸生樂為助力酌加營  
繕始有下榻之所焉

湘鄉巡檢司署舊在筠門嶺道光十五年巡檢蔣繼賢復  
將筠門嶺之署所存地基變價另建署於白埠長嶺下  
咸豐七年被賊燬壞八年巡檢屠道震倡修復之同治

八年巡檢俞如槐倡建在署後添置房屋一棟

典史廨厯久未修勢將全圯同治五年馬文驄到任勸捐  
復修

把總署久已傾圮竟無片瓦之存居是職者皆寄寓於民  
舍同治六年把總鄧廷彪於其故址勸捐創建廳堂房  
屋畫出新營後之居是職者得以享其成焉

養濟院舊在富尾老廟側邊初建于明洪武己酉知縣周  
文秀再修于康熙壬子知縣王凝命重建于乾隆辛未  
知縣戴體仁地勢低窪易于傾圮道光十一年署知縣

宋堦移建在西門外懷仁關坐東向西房屋爲孤貧栖止之所申稟 上憲有案教諭王淮志

補遺

會昌縣志卷九

書院記畧

湘江書院據前明崔志一在射圃後嘉靖乙酉監生賴貞兄弟捐貲建一在都察院後縣台之左舊爲官塘地嘉靖甲子知縣沈桂擴地填塘再建書院中曰仰高修撰羅洪先題後暨高閣沈桂有記書屏左右并前共房屋三十間俱傾圯又據吳志其地基除改建學宮外餘各姓構屋仍還地租自後時倡時止訖無成功道光元年知縣方楷捐廉洋銀伍百圓發邑紳進士劉廷珍擇人分領生息以爲

闔邑建造書院之費道光十年四月合計本息共得錢壹千三百七十餘千文

新設湘江書院在邑之南門外登雲坊坐東向西正屋兩進右邊居屋弔樓二所共計三十一間及門前餘坪照牆后苑地基直深至照牆一十六丈八尺橫闊一十三丈四尺監生歐陽俊屋捐改又認造文昌名賢尙義三祠併建魁星樓道光十一年知縣宋埏詳請獎勵署教諭事王淮

志

新設廩局在贛州府城內西坊白馬廟左邊坐東向西房屋一所前後廳堂入小房間以及廂房廚房廁所共計房屋拾捌間並後坪一塊前至官街後至大牆脚左至自己牆外空地三尺右至塘墘路全行出入同治丙寅年在郭增華兄弟手買以爲永遠歲科考誠闔邑廩保設局安廩之所

新設科場試館在江西省城撫州門內南昌縣屬荆波苑在官街上首坐東向西土庫房屋廳堂倒座前後三進

半又緊靠右邊當頭大門大廳相連兩棟內天井右邊  
小屋一間出巷左右前後大小天井房間共計數十餘  
間前至官街後至得業墻左至吳姓墻右至胡姓墻計  
正屋橫寬五丈四尺直長十三丈五尺厝屋橫寬三丈  
一尺直長七丈三尺同治四年在黃吉羽叔懷克怡手  
買以爲永遠科場時凡闔邑赴科者安廬之所

義學附

捐助義學田畝

劉世基捐上照隆福庵前田耕租稅過風精燥穀貳拾伍  
角正

謝上悅捐蔭田陂田耕租稅過風精燥穀壹拾叁角正  
謝簡思捐白竹下鎮岸嶺門前租伍角

興賢學附

乾隆二十年教諭汪仙捐俸倡設邑人踵而增益之爲文武諸生歲科優等獎賞花紅及鄉試舟資卷資其地名田畝坵數俱載興賢學志

教諭汪仙捐俸買曾德璋田租肆拾伍角嘉慶八年興賢

學以餘息買就黃雙龍貳拾壹角內之田耕道光二年

又以餘息買就黃運亨壹拾捌角內之田耕

又買曾咸昭青華門內房屋一所折邸開路

劉子槐捐送田租壹拾伍角

今存壹拾肆角貳斗壹升

吳聲文捐送并耕租田一處載租玖角

文簡御等捐送田租三十六角零七升五合

今少一角一斗七升一合

謝匪干捐送田租壹百伍拾角

今沙寨成壩所收不如數

羅上勳捐送田租陸角

劉良臣原捐送田租叁拾角

今僅存壹拾七角其餘俟查出歸興賢學

徐玉輝捐送租田貳石柒斗伍升

曾牧斲升祖捐送田租貳拾壹角壹斗伍升

曾俊雅捐送田租壹拾角其田耕係曾靜淵送共納穀壹

叁貳角

曾俊雅又捐送田租壹角零叁升



張惟堅方賦捐送田租叁石貳斗伍升伍合

張國勳捐送吊壁嶺田山庄居等處土名田畝山界詳載

興賢學志

僧去凡去真等捐送翠峯居田山塘園庄居等處土名田

畝山界詳載興賢學志

以上二條共納穀叁拾陸石

鄒瑛捐送并耕租田貳貳拾伍石扣穀實折詳興賢學志

黎任佐捐送耕租田納穀六石

徐永盛等捐送田租伍石六斗二升伍合實納肆石伍斗

楊雲海等捐送并耕租田納穀陸石

張裴文良波捐送并耕租田及油寮糞寮佃賃納穀叁角

茶油叁拾斤

陳惟極捐送田租叁石肆斗叁升柒合伍勺嘉慶二十三

年佃人能養元將田耕及栗子窩右邊房屋與菜土荒

嶺并賣與興賢學其田甚磽秋收看割與佃平分

陳思上積厚捐送田耕及壩土周圍黃竹納穀叁石壩租

貳百文

黎德望捐送桂竹山山業一處梓山三塊屋一間糞寮一

會昌縣志 卷九  
間納油叁拾伍斤

蕭鳳山捐送本城南門外房屋一所納屋租錢肆千伍百

文正

蔡大備捐送田租柒角

吳佩綸捐送田租叁角其田耕會鳳洲捐送

凌拔姿捐送耕租田業二處共納穀玖角

歐晨耀捐送耕租田業一處納穀肆石

李相玉之妻廖氏捐送耕租田一處載租壹拾貳角

吳席珍捐送本城西關外富尾上街房屋一所納屋租貳千文

興賢學餘息買到文懷章耕租田一處載本田種壹拾角

又買到郭錫貴耕租田一處載本田租九角

又買到文位中本城東關內店房一所納店租九千文

又買到文綬徵耕租田一處穀地二石五斗

廖奇珍捐助修興賢學志洋銀二十員

興賢學買到鄒達衢水東黃珠坑白石嶺下橋角頭田二

坵又中堰破坵禾塘田一坵又大脚坵確弓坑田二坵

又禾塘塆長坵田一坵共田六坵計穀地十五担其大

脚坵田內每年該租穀二斗係鄒達衢完納

興賢學與湘江書院全買到劉明達城內南街劉氏宗祠  
 右邊第二間店一連店面三間共屋八間及糞寮一間  
 價錢五百五十千文興賢學出二百二十千文湘江書  
 院出三百三十千文每年店租錢照五分平開  
 湘江書院與五顯廟同置店房一所在五顯廟左邊隔壁  
 每年租錢與五顯廟四分支一

劉大壽捐錢一百三十千文歸湘江書院

劉競秀全捐七兌邊一百元歸湘江書院仍該二十七元未繳

黃德基捐錢五十千文歸興賢學

附錄歐陽韻雅公所捐薪水卷資田業額數

- 一 湘鄉司背墩田庄背田一連二坵共十二担及上牛路田一坵四担及圳下田一坵打鐵塘田二坵合共七担
- 一 湘鄉司背墩新屋家門口田一坵一担
- 一 湘鄉司背墩石橋壠田一坵七担及犁頭坵田一坵四担及坑子口田一坵二担及井坵田一坵八担及竹園背老秧地田二坵五担及塘子面田二坵四担及塘頭下田二坵七担及新鄭屋門口老秧地田一坵九担及下砂坵田一坵四担及薦薺壠田一坵二担及河山塘

會昌縣志卷九  
田一坵六担

一湘鄉司背墩莊背田一坵五担及大禾壠田上下二坵十三担及壠子口田上下二坵四担及石橋壠田一坵六担及路邊田一坵二角

一湘鄉司背墩塘子面田三坵十一担及河山塘田一坵二担

一湘鄉司背墩社公前大路下田一坵五担及圳邊田一坵二担

一湘鄉司背墩井坵田一坵六担及大路田二坵十三担

及下捲大路田上下二坵四担及下捲圳塌田一坵二担及墩下過梁田一坵四担

一湘鄉司背墩坑子口墩坵角大路右邊田二坵十二担  
一湘鄉司背墩老場背田一坵十六担及屋背鴨婆坵田一坵三担及園洞菜土一塊三分支一及老屋家橫屋一所私廳一間倒座一間長間二節及塘坵糞缸一間  
老圍角糞缸一間

一湘鄉司背學堂背埕外河墘下田一坵載種六升

一湘鄉司背上墩黃坵壠田一坵三担

一湘鄉司背夏屋門口社背田二坵九担及大禾壠田一坵六担

一湘鄉司背墩埕背田一坵十担

一湘鄉司背墩河山塘田一坵又墩下田一坵柳樹下田一坵蠶樹塘圳邊田一坵又河山塘圳塍面窠杭田二坵十担及下墩碓弓坵田一坵五担又中墩河山塘大路圳面田一大坵

以上湘鄉司背田共計三百六十八担共載秋米一斗八升二合正

一承鄉羊角西天腦紅梗早坵田一坵載種八升

一承鄉羊角堆背田一坵四担及壩坵田一坵一担及過水坵田一坵一担及圓坵田一坵一担

一承鄉羊角賴屋墩田一連二坵

一承鄉羊角晚背門口田一坵及晚背山下田一坵又晚背山下田大小三坵

一承鄉羊角慕勘楓樹塘田四坵八担及茅坑中坵左邊

田一坵二担又相連脚下田一坵一籬及茅坑墩子田

一坵一籬

一承鄉羊角賴屋墩禾塘中全田一坵八担及麥園門口路邊秧地田一片二担及井水窩田大小七坵共三担  
一承鄉羊角通坑坑控背田一坵及墾坵田一坵及漚大塘田大小四坵

一承鄉羊角直坑田一連大小六坵

一承鄉羊角下坑中塘落子田一連四坵及八担坵田一坵又田一小坵及右邊排田一坵

一承鄉羊角麥園上壩地田一連五坵共十担及圍脚下田一節四担及直坑坑尾田一連十三坵共十担及直

坑下分田一連六坵共六担及小坵坑下分田一連三坵共二担又小坵坑上分田一坵一籬

一承鄉羊角左砂背老秧地田一坵及橫圳石塍脚下田一連三坵及橫圳路邊田一坵及黃坑口田一連三坵及楚坑寨蠟樹坑右邊梓山一塊及范屋門前路下田一坵

一承鄉羊角墓墾田大小十一坵共十五担及大塘坑中墩田一坵六担及獨木橋陂邊田一坵又相連對面坑控塌田一坵共五担及牛輓坑口田一坵六担及牛輓

坑中墩田大小十坵八担

承鄉半角通坑尾田五坵及半角種路下田二坵杉樹坑田大小十九坵坑尾圍脚下田一坵又嶼脚下青豆埂口田連連三坵杉樹坑一墾子田一坵四坵墩田二坵禾塘田一坵學堂下門前田二坵通坑尾田一連三坵棠棣坑口路邊田二坵又家小坑田一處老賴窩梓山一塊河頭甲楚坑高嶂面梓山一處羊角通坑半角種路下田二坵竹篙坑口田一連五坵坑控背田一坵通坑鳳形腳下田三坵羊角下墩糞寮背田一處河頭

甲楚坑寨背岡脚下秧地田二坵小田尾子田一坵楊

柳坑田一坵又中墩田一坵井坑上墩田一坵

一承鄉半角通坑尾田一大坵及濶大塘田大小四坵下橫坑田大小九坵上橫坑田大小十五坵

一承鄉河頭甲塘背社公門前田一連八坵又社公門口路下田一連三坵下塘尾田一連三坵

一承鄉半角募墾田一連五坵又塘子田一坵又下坑橫坑子上分田大小十三坵共六担又橫圳尾坵田一坵又對門田二坵黃竹墩大塘坵田一坵又墩子田三坵

又壩塌田二坵

以上承鄉等處田共計三百三十二担共載秋米二斗

四升三合

內除秋米五合

義學之設原以培植人材兼補黨庠教之所不及故在昔范文正朱晦翁咸汲汲於此俾寒門素族無力延師者得共沐詩書之澤嘉惠後學最爲切實會邑雖有興賢學各專資膏火之費非端蒙養之基同治十年冬知縣劉長景縣試畢因學額雖增文風未振非所以仰體

朝廷

儲才勵學之至意特立義塾延師課讀其法或一姓獨設

一學或一村一堡共設一學每學約籌七白金之產爲母取其子金以供費用酌定塾俸大錢四十五吊館師以十個月爲度館徒以二十名爲限歲終各學將學生姓名及



讀過書若干均一一註明送縣備考其勤者獎以紙筆情者量加戒飭而來歲學師之績悉與否卽視所課之生徒學業進退爲定十一年正月勸令水東職員歐陽龍首捐大錢五百吊交興賢學首事陳光泗經手分發各質舖按月支息備用城中先設義學二處一在東門學署汪公祠顏曰培基一在西門育嬰堂顏曰毓英由城及鄉現擇公正紳士分赴各鄉次第勸辦並選清靜之所爲啓塾地如能勸成數處及一人一姓獨力建學者酌旌以昭鼓勵邑人赴義若渴必能成此盛舉也

續輯義學

羅宿家塾在城南八十里張用高公子孫所建社學也敬承書院爲承鄉胡秀玉之子胡歧游兄弟捐建

賞析堂在上堡蕭人資建以為栽培子弟之處咸豐六年

邑侯劉公因公暫駐賞其幽雅遂賜名半山草房

培芝軒在南門城外謝元勳構造

林崗壩書屋謝明麓建咸豐三年謝殿香重修後被勇拆

毀基址尚存

拔秀園在城南六十里小燕胡步和建

韻壑山房在城南七十里轉水閣今廢

育英書房在轉水閣吳育元建

古石園在城南七十里洋岡鄭家蘭一宜學僑全建

小東園在洋岡鄭炳輝兄弟建

挹翠樓在洋岡鄭炳輝兄弟建

小廬山在泮逕為增貢生李映池建穎縣舉人李冠春寓比鄰曰淡春

陋室在泮逕為邑庠生李仙枝築

松溪臺在左弼坑船坑為邑人劉展芬藏書處

小天祿在谷溪埤腦為邑人劉安從藏書處

凝秀樓在谷溪為郡庠生劉安湖建

松雲書房城南八十里大坑張則湯建

松濤山房城南八十里大坑為邑庠生張孔宜建

會昌縣志卷十

田賦志

賦稅爲奉上之常經邑雖小敢忘正供乎會邑舊罹兵燹  
民多流亡賦無定額至我

朝休養生息近二百年熙熙皞皞舍哺鼓腹下以嬉婦子上  
以足輸將庶幾官鮮催科之勞吏無追呼之急矣志田賦

宋

失攷

元

失

攷

明

洪武十有四年辛酉詔定賦役創編黃冊直省府州縣戶口皆隨田土籍分軍民宦匠四等戶分上中下三等城中曰坊近城曰廂鄉都曰里每里編爲一冊冊首總爲一圖其田糧不及而附于甲內曰畸零以一百一十戶爲里推其中丁糧多者爲里長餘百十戶分爲十甲里長一人管攝一里之事里甲以次充當十年終而復始

名曰排年每年官司審編謂之均徭冊其黃冊則十年一輪造各省布政司彙總解戶部藏于應天府後湖亦王拜受之登于天府意也其各項差役逐一較量輕重係力差者則計其代當工食之費量爲增減係銀差者則計其扛解交納之費加以貼耗通計一歲共用銀若干照依丁糧編派開載各戶由帖立限徵收名曰一條鞭又按一條鞭法嘉靖以前不知如何阻格不行故世宗謂少師徐文貞階曰大江西南不苦賦而苦役州縣吏役法如治焚絲益理益亂父老不得休息莫若一條

鞭法少師承上意旨欲行顧薄海無有應者隆慶二年  
戊辰會江陰劉光濟奉命巡撫江西少師以一條鞭法屬  
之劉蒞任銳意力行簡擇各府官吏鎖棘院而較計之  
議成上于劉劉懸諸署壁旦夕仰觀俯思越三月乃定  
南新二邑一條鞭明年始編七十餘邑自是民悉輸錢  
于官官盡僱役于民民老死無有自役于官者矣行之  
十餘年法又壞鼎革後大江西南奸胥舞弊民復受里  
役之苦康熙十有三年甲寅江蘇布政司慕天顏條奏  
均田均役之法十有九年庚申江西布政司王日藻重

整均田均役成規因地制宜立法更始而會昌里長琬  
年之役由茲以除五十有二年癸巳 欽奉

聖祖仁皇帝萬歲新綸以五十年辛卯丁冊定爲常額自後續  
增人丁永不加賦雍正四年丙午 又欽奉

世宗憲皇帝將各省丁銀均攤入秋糧款內而前明一條鞭至  
是極爲盡善胥吏無所容其奸矣迄

高宗純皇帝捐租寬徭之詔無歲不下即不得已而偶有踐更

亦必

特諭督撫大吏倍其僱直毋令侵剋

仁宗睿皇帝仰承

列聖薄歛仁民至意叠沛

恩綸澤遍閭閻恭逢今

上御極以來深仁厚澤普被遐邇百姓生當

盛世力田完賦之外竟不知有公旬三日之役何況其他

是我

朝賦役之法

恩卹之典溯自生民以來未有倫比矣猗歟盛哉用敢拜手

恭紀於篇

恩免錢糧年款

順治八年辛卯

詔免八丁徭銀有差

康熙十五年蠲免本年錢糧 五十二年

萬壽恩免本年錢糧

雍正九年蠲免本年錢糧 三分之二

乾隆十三年蠲免本年錢糧

三十六年蠲免本年錢糧

四十四年蠲免本年錢糧

五十五年蠲免本年錢糧

五十八年蠲免本年錢糧

嘉慶三年蠲免本年錢糧

五年蠲免本年錢糧 二十四年

萬壽

詔免天下二十二年以前民間積欠會邑地瘠民貧國課正供罔弗輸將恐後年清年款從無積欠故雖不能如全省之無積欠者另邀

恩典而

皇仁浩蕩會之民亦已淪肌而浹髓矣

里甲沿革

會昌舊分五鄉曰勸鄉曰湘鄉曰浮鄉曰化鄉曰承鄉共

管六十二都明洪武二十四年并五鄉曰南廂一第一

都一懷仁堡一長河堡一第二都一共七里後改爲

東北坊一西南坊一南廂一第二都一長河堡一長河

堡一共六里萬歷四年因割安遠縣十五堡建長寧縣

故割會昌縣長河北一一北二一及南廂一一內上會

下寨竹溪清溪之地以補安遠尙存東北坊西南坊第

二都及南廂之半併長河堡內所餘仁峯水頭石隘曉

村等堡融作五里

東北坊 西南坊 南廂二都 一畝

共五里每里十甲

現行則例

田賦丁口總數

一秋糧舊額新陞共米八百三十八石二斗一升八合二勺

一丁口現在共三千二十四丁

徵銀總數

一每年秋糧共徵銀三千七百五十四兩二錢六分五厘

一每年增徵匠班銀二兩二錢六分八厘

一每年雜辨學田租銀三兩 官地租銀五兩商稅銀二

十兩五錢

一每年現帶徵丁銀三百九十六兩九錢三分六厘

以上六項共徵銀四千一百八十一兩九錢六分九厘

遇閏加銀三十四兩三錢三分八厘七毫

起解總數

一每年解司庫地丁銀三千二十六兩二錢四厘遇閏加

銀六兩六錢四厘



每年各項錢糧脚耗銀四兩一錢二分過閭加銀一分九厘

以上二項共銀三千三十兩三錢二分四厘

一外驛站項下每年奉裁解道庫銀一百二十二兩四錢  
存留支給總數

一每年存給經費六百五十兩七錢四分

一每年存留本縣支給銀二百七十五兩九錢五厘過閭  
加銀九兩六錢五分

二項共銀九百二十六兩六錢四分五厘

存給散數

一每年知縣衙門項下官俸及各役工食支給共銀四百二十一兩三錢

一每年典史衙門項下官俸及各役工食支給共銀五十五兩五錢二分

一每年儒學衙門項下官俸及各役支給共銀一百三十四兩四錢

一每年湘鄉巡檢司今改爲筠門司衙門項下官俸及各役支給共銀四十三兩五錢二分

- 一 每年縣學廩生二十名共支給四十兩遇閏加銀三兩三錢三分三厘原額廩糧一百二十兩內奉裁八十兩
- 一 每年文廟支給香燭銀一兩八錢遇閏加銀一錢五分
- 一 每年文廟祭銀四十一兩二錢四分四厘四毫
- 一 每年崇聖祠祭銀六兩
- 一 每年文帝祭銀二十六兩
- 一 每年名宦鄉賢祠祭銀四兩二錢二分六厘八絲
- 一 每年忠義節孝二祠共祭銀四兩
- 一 每年社稷壇祭銀八兩

一 每年山川風雲雷雨壇城隍廟祭銀八兩

一 每年邑厲壇祭銀一十兩八錢

一 每年烈婦祠祭銀二兩二錢八分六厘八毫

一 每年土穀祠祭銀二兩二錢八分六厘八毫

一 每年關帝祭銀四十兩

一 每年春冬鄉飲酒禮銀五兩一錢原編銀一十兩二錢

一 縣學歲貢酒禮銀二兩五錢

一 每年湘鄉巡司今改爲筠門司弓兵一十名支給銀一

一十八兩原設承湘二巡司弓兵共二十名支給銀三十

六兩今承鄉巡司奉裁

一每年吹鼓手四名支給工食銀一十九兩六錢六分六厘七毫遇閏加銀一兩六錢六分六厘四毫原編八名四十兩

一每年孤貧十名支給口糧銀一十八兩冬布銀二兩又增給口糧銀一十六兩共銀三十六兩遇閏加銀三兩以上二十二項共支給銀九百二十六兩六錢四分五厘

一每年驛站項下實存設舖兵一十九名實支工食銀一

百二兩六錢

頃畝總數

一原額田一千五百五十四頃八十五畝一分七厘每畝原編糧差併加增共銀二分三厘七絲四忽八微七纖共編銀三千五百八十七兩

一新墾田一十二畝八分二厘六絲五忽一微每畝原編糧差併加增共銀二分三厘六毫三忽一微七纖共編銀三錢二厘

一又新墾田二頃五十二畝二厘每畝原編徵銀二分三

厘六毫三忽一微七纖共編銀五兩九錢四分八厘

一原額地一十二頃一十四畝七分一厘六毫每畝原編

糧差併加增共銀四分一厘四毫六絲二忽五微三纖

共編銀五十兩三錢六分五厘

一新陸官山一項四十九畝二分四厘每畝原編徵銀七

毫五絲六忽四微六纖共編銀一錢一分三厘

一原額塘三十一頃五十一畝八分每畝原編糧差併加

增共銀三分四厘七毫七絲三忽四微六纖共編銀一

百九兩六錢六分四厘二毫一絲七忽七微七纖

共計田地山塘一千六百二頃六十五畝七分六厘六

毫

戶口丁銀舊管總數

一每年舊管丁銀九百一十五兩六錢六分三毫

內男丁九百一十五丁每丁編銀八錢三分九厘六絲

七忽一微九纖共編銀七百六十七兩七錢四分六厘

五毫

內女口七百五十九口每口編銀一分二毫三絲七微

四纖共編銀七兩六分八厘一毫

優免人丁二百一丁每丁編銀一錢七分四厘一毫五絲  
七忽四微六纖原編銀三十五兩五厘六毫除順治十  
四年奉文裁解銀兩不登外定例優免之外不免餘丁  
銀一百五兩四分一毫共計丁口銀九百一十五兩六  
錢六分三毫後奉部文攤派通省地糧內均勻帶徵應  
減本邑丁銀五百一十八兩七錢六厘六毫二絲後又  
奉減派銀三分四厘四毫現今每年帶徵丁銀三百九  
十六兩八錢四分九厘六毫四絲

康熙五十二年欽奉

恩詔以五十年丁冊定爲常額續生人丁永不加賦

自康熙五十五年起到乾隆十一年各屆編審新增滋生  
人丁六百三十丁女口八十二口 又自康熙五十五  
年起至乾隆三十六年各屆編審新收除抵補開除外  
滋生人丁一千六十七丁婦女八十二口現在共丁口  
三千二十四丁

徵糧銀每石攤入丁銀數目

舊額每石徵銀四兩四錢七分八厘四毫二忽四微今每  
兩攤入丁銀一錢五厘六毫九絲七忽九微八纖九沙

八塵三埃三渺七漠六巡每石徵銀四兩九錢五分四厘九毫一絲一忽九微四纖遇開照例加增

雜色起解數目

一牛稅銀二十兩

一牙稅銀六十五兩

一田房稅契每兩徵銀三分儘徵儘解

以上三項每年附解司庫

各衙門支給細數

一知縣衙門項下

俸銀二十七兩四錢九分原編

薪銀三十六兩原編二項奉裁銀一十八兩四錢九分

實存支銀四十五兩

門子二名實支工食銀一十一兩八錢原編銀一十四兩四錢奉裁二兩六錢

錢

皂隸一十二名實存九名支工食銀五十三兩一錢原編銀八十六兩

四錢

伴作二名學習二名實支工食銀一十七兩七錢奉裁銀三錢

馬快八名實支銀四十七兩二錢原編銀一百四十四兩

民壯原一十四名後增設六名實共二十名實支工食銀

一百五十八兩原編銀三百六十八兩

禁卒四名實支銀二十三兩六錢原編銀二十八兩八錢

輜傘夫七名實支銀四十一兩三錢原編銀五十四兩四錢

庫子二名實支銀一十一兩八錢原編銀一十四兩四錢

斗級二名實支銀一十一兩八錢原編銀一十四兩四錢

一典史衙門項下

俸銀一十九兩五錢

薪銀一十二兩

門子一名實給銀六兩原編銀七兩二錢

皂隸二名實給銀一十二兩原編銀一十四兩四錢

馬夫一名實給銀六兩原編銀七兩二錢

一儒學衙門項下

教諭訓導共實支俸銀薪銀八十兩原編銀六十三兩四分

齋夫三名實支工食銀三十六兩原編六十七兩二兩

門斗二名實支工食銀一十四兩四錢原編五十六兩三十六兩

一筠門嶺巡檢司衙門項下

俸銀一十九兩五錢二分

薪銀一十二兩

皂隸二名實支給工食銀一十二兩

原編銀一十四兩四錢

屯務

明倉昌所屯田五萬六千畝歲納籽粒三萬四千四百石

舊府志

國朝會昌所屯丁一百一十四丁應徵銀九十五兩六錢

屯田二萬一千六百四十五畝每畝科米折銀加增同應

徵屯糧銀一千七百九十七兩七錢零

同上

以上二項共徵銀一千八百九十三兩三錢零

地屬會昌一十七屯

黃田屯 小埧屯 彭逕屯 大力屯

閣山屯 小磔屯 背水屯 閣山屯

牛牯屯 磔頭屯 橫石屯 杉坑屯

杉口屯 大西屯 三所屯 四所屯

湘鄉屯

地屬瑞金縣六屯

黃沙屯 沐口屯 萬石屯 茅山屯

凌田屯 山埧屯



會昌縣志 卷十  
地屬安遠縣一屯

長河屯

福建武平所改歸會昌所老軍二十七戶

乾隆二十四年清屯田畝租額

本戶租一萬二千七百五十五角三分二升三合

計田四十八頃一十六畝三分

每畝徵糧銀八分五厘四毫一絲二忽九微九纖六沙

二塵五埃

每畝徵餘銀二錢

共徵糧銀四百一十一兩三錢七分四厘八毫

共徵租餘銀九百六十三兩二錢六分

撥戶租四萬四千五百七十一角七升七合計田一百六十八頃二十八畝七分一毫四絲四忽九微六纖四沙  
每畝徵糧銀與本戶租同

每畝徵租餘銀三錢

共徵糧銀一千四百三十八兩四錢六分一厘一毫一

絲六忽一微四纖

共徵租餘銀五千四十八兩六錢九厘六毫八絲九忽九

會昌縣志卷十一  
徵二織八沙

沙寨租二千五百九十角三斗三升九合六勺

計田九頃七十八畝二分二厘六毫五忽三纖六沙

每畝徵糧餘銀俱與本戶租同

共徵糧銀八十三兩五錢五分五厘二絲五忽三微六  
織

共徵贖銀一百九十五兩六錢四分五厘三毫二絲七

織二沙

首墾租一十二角二斗九升八合四勺

計田四畝八分一厘二毫五絲

每畝徵糧餘銀與本戶租同

共徵糧銀四錢一分一厘五絲八忽五微

共徵餘租銀九錢六分二厘五毫

福建武平所改歸寄庄租二千五百七十三角二斗二升

二合

額徵米一百六十二石

計田九頃七十一畝七分二厘

每畝徵寄庄糧銀一錢一分四厘二毫四絲五忽八微七

織四沙九塵五埃

每畝徵津貼餘銀八分

共徵糧銀一百一十一兩一分五厘

共徵餘租銀七十七兩七錢三分七厘六毫

以上五款通共徵糧銀二千四十四兩八錢一分七厘

解布政司庫通共徵餘銀六千二百八十六兩二錢一

分五厘一毫一絲解督糧道庫

遇閏年分每畝加徵糧銀四絲八微九纖共加閏糧銀

九錢六分五厘

濟軍免征公餘租八千六百六十五角三斗二升九抄

嘉慶十八年清屯租額除本戶寄庄與乾隆二十四年清

屯原額相符外撥租短額四千九百一角三斗零除將

公餘租歸還原額外止存公餘租三千七百六十三角

三斗零

續輯田賦

單恩豁免租糧年款

道光三十年起至咸豐六年止概行豁免

咸豐七年起至咸豐九年止租糧概行豁免

會昌縣志卷十一

風俗志

昔人謂贛郡去南暫近其風土習俗得天地陽氣之偏邑  
 接壤閩粵武健成風優而柔之馴擾而漸靡之移易之權  
 豈異人任哉故記風俗文直而事覈所以昭勸戒審因革  
 國奢則示之以儉國儉則示之以禮異制異宜夫亦可知  
 所從事矣志風俗

士習

前輩多務實行暨後稍涉修飾然窮約之士羞附勢利至

今猶然蓋川谷異勢人生其間者遂不能無偏剛偏柔  
之殊會邑山峻水駛故士之以剛方著者較他邑爲勝  
書曰高明柔克損過以就中則惟好學知養之士爲足  
恃也

國初學者多專經迨乾隆末鄉會試兼用五經由是多習五  
經天資穎異者開習十三經并究心史學惟是人多自  
負雖博聞強記之士代不乏人而安於半途不復虛心  
求助以冀精進以故所作詩文視先輩不無少遜耳

民風

地近閩粵山石巉巖居民秉質堅剛負性峭直兼之鄉民  
皆聚族而居室廬鱗次多至數千家睚眦小怨動輒格  
鬥各庇其族不逞之徒往往挾刃以遊捐軀不悔故命  
件較別邑爲多尤喜爭訟一遇雀角縱故舊姻婭亦織  
詞呈控不惜錢刀寧受胥隸之辱決不肯忍一時之氣  
雖賦質之偏亦由風氣使然也然會民雖近悍頑性多  
樸拙非習爲狡滑者可比每當爭論曲直攘臂裂眦遇  
公正紳耆理斥之立止苟有以鼓舞而教誨亦必自游  
以自化則轉移之責是在乎賢司牧也

農事

壤地屬揚州之分其穀宜稻稻有粘糯二種而粘爲要方  
春土膏其動勤力南畝於焉浸種至二月以種播田謂  
之下種及三月秧鍼秀苗競相栽插名曰蔣田于時傾  
佳釀陳旨蓄以酌主伯亞旅重農事也四月爲耘耔之  
時糞田者或以火土或以石灰或以壁土各因其土之  
宜謂之塞糞至六月則黃雲遍野實穎實粟腰鎌刈稻  
篝車相望蓋以地近嶺南天氣較暖收稻總以大暑前  
爲率其小暑所刈者謂之百日早兩鄉之間所出無幾

早禾收後旋栽晚禾其名有撐子番子楔子之類其糞  
田大畧與早禾相似惟菸骨於晚稻獨宜收穫多在於  
九月十月若山谷之間水泉寒冷東作西成較遲一候  
外此田之極肥者則栽蔴草乾旱者則種菸草俱栽以  
二月收以六月蔴草少事糞溉菸草之性需溲溺澆之  
乃茂二者之利比種稻爲優

會邑田山黍半山居谷汲之民以山爲業松杉竹箭其  
產無多無事勤動爲木梓則重岡複嶺彌漫無際當六  
七月農務稍閒鋤去草萊名曰鐘嶺迨至青女司寒梓

桃成熟蟻附猿攀往還採摘日暴壳裂篝燈揀仁雖婦女以夜闌爲度不得少休山業多者延至臘月尙徹日連宵撞槽榨油其作苦如此

大抵四民之中惟農居多而地土瘠薄農利甚稀故自春初以至歲晚手胼足胝無或敢惰農自安惟土物愛厥心臧蓋猶有幽風之遺云

女功

地無絲纈產僅紵葛而葛尤土宜之最故婦女皆以績麻爲職居每當冬令掃室布席呼偶課工至夜分方息所

謂一月得四十五日也春夏之間纍車軋軋比戶皆然及織成幅無事繡染而黃絲宛如金縷精者細薄如縠每尺價值百五六十文售者甚希多爲蘇買購去價廉者反襍甘蕉爲之鄉人能辨他人不能辨也紡績餘閒一家男女履舄皆手自製造工緻纈密履入自愧弗如兼善刺繡他邑婦女悉遜其工巧至如議酒食操井白提甕灌園執筐取蔬一切爲之不少懈也夫民勞則思逸則淫會邑民鮮素封婦女安于勤苦故妄念無自而萌採風者遇此庶可免于譏乎

工役

斂化八材之謂工轉役執事之謂役邑人素性拙樸九攻金攻木攻皮設色刮摩搏埴諸工爲生民日用不可闕者多借才于異地惟審曲面勢爲人構屋宇作室家及縫紉爲衣裳編織成蓆器間亦有矩矱高曾世執其藝之家求其匠心獨運神明規矩則無有焉若夫役之一事會邑地處偏隅世當

隆盛雍正以來一切徭役俱邀 恩免馨鼓之聲不聞於耳民于正供之外不知徵發期會之勞獨快健兒隸諸

班承充辦公有服役之名無力役之實即埠頭夫頭供應夫役船隻迎送往來差使名曰當差其實陸之夫力船之水脚埠頭夫頭預于平時按船計夫抽帮使費官又給予官價承役者方藉以取利于已無損也他如城郭溝渠涂巷之役雖嚴以課之復量以給之與民家僱工名異而實同焉

商賈

民性素拙不善治生兼之舊土是安憚作遠客故資舟車以行其貨者甚寡如杉木爲邑所產康熙雍正間尙有



運至金陵以售者近年木客不過販及省垣青山而止  
粵東引鹽銷售於瑞金寧都石城雩都興國俱從本邑  
上游順流汎舟然販售者邑人僅十之二閩粵之客十  
有八居貨之賈祇米飯酒蓆海物裸色豆腐寺舖即開  
錢舖者亦屬寥寥至一切絲絹布帛藥物諸類取息稍  
重無非他郡異省之人列肆而居邑之人謝不敏焉推  
原其故貧者身無貲本束手無策富者積金至萬惟求  
田間舍食租衣稅是計若夫長才貨殖操奇贏之術以  
致富饒者則亦未嘗無其人也

### 飲食

飲食本有常經奢儉實關風化會邑土俗曰惟三餐每飯  
必先飲酒雖貧民無不挈瓶而沽客至肴饌不必精美  
若無酒以供或食以饘粥人輒以爲慢客吉事款賓豪  
華之家純用美品喪事在城者待客用葷席如延僧修  
佛事則獨用蔬菜湘鄉惟富家用葷貧家葷素泰半承  
鄉則一體素席而已總之昔之飲食多儉今之飲食多  
奢以父老傳聞及少壯所見日遷月異風氣大相逕庭  
矣至於奢則示儉儉則示禮有志風化者尙其有以轉

移之

衣服

衣服所以飾體亦以禦寒亦民事所不可畧者也第會邑僻處山陬俗尚儉樸故雖縉紳之士凡遇祭祀賓客及謁見官長不敢過於簡率從未聞以麗都相炫耀者庶民常服惟用布素禮服亦祇長衫外褂而已至於婦女則衣裙潔素尤戒奢靡禮奢寧儉論者每以爲有唐魏之遺風

嗜好

嗜好所形足覘風氣邑之人士耽經嗜史者固不乏人而於一切義舉如建祠廟修橋梁諸事尤所樂從甚至有二人慷慨獨任其事者近以風氣稍遷士民嗜好不能皆得其正好巫好鬥好訟好演劇每况愈下雖習染使然障百川而東之迴狂瀾於既倒是又在操移風易俗之權者

冠禮

冠禮爲成人之禮唐宋以來行者絕少故有名公鉅卿聞行此禮而駭怪者會邑前輩大家間行及此世俗以爲

迂誕相與嘲笑之豈非見橐駝謂馬腫背耶今祇存其名而不敢效抑亦告朔廢而餼羊存之意也

### 婚禮

會俗婚嫁自問名納采以至迎娶俱憑媒妁言定始則媒妁具庚帖擇吉至女家請書年庚書後男家備長庚錢二千並儀物首飾衣服香茗等件名曰下茶聘則有中禮雙禮之分聘金魚肉煩簡不同初聘時爲前節報期時爲後節所具儀物首飾衣服則一切從同邑城附近則有茶鷄迎娶之年先期擇吉備東並備儀物送女家

名曰報期仍備錢二千名曰報金娶時則女家請媒妁先至男家視客之多寡取會客魚肉若干在城則有上轎猪辭堂猪之說至期先一日備彩輿迎娶女家奉新郎冠履袍褂入門交盞拜謁姑媵次日廟見若遵行古禮必須親迎奠雁不恒有也

### 喪禮

喪事稱家有無或豐或儉各盡其禮行乎心之所安而已而俗有不同在城遇喪事於初殮時請禮生引孝子孝孫至床前行三獻禮然後入棺既殮孝子等捧魂帛至

門外向東告天請服回堂安靈行益楹禮三獻親族送羹飯祝殮做古隣里爲糜粥飲食之意及塋則預發訃狀前一日告靈名曰發引朝夕行三獻禮奠祭親族各備儀製誄文臨几弔奠概給白帽親族各素服送塋間有穿吉服者咸譏其不知禮樞出設奠饌中途祖餞名曰路祭祭畢扶柩至山告后土行三獻禮孝子捧神主還堂安設行虞祭鄉間送塋之禮與在城大畧相同然惟有力之家始得備禮若下戶則禮較簡每逢七親戚輪送楮鏹帛衣供饌茶點以七七爲度鄉城皆同塋後

于春社前具鷄黍酒醴至墓拜祭謂之擱社惟忌日哀傷齋戒祇讀書知禮之士行之

### 祭禮

禮有五經莫重於祭古者士大夫有田則祭無田則薦是祭未有無田者會邑諸族各有祭田其祖宗遺下以備祭祀者爲血食無則子孫計口歛錢買田以祭謂之鬥丁亦謂鐵板丁以其無能改易也每當清明本支首事先期以紅箋大書某日祀某祖貼祠門外并編派至祭陪祭通讚引讚司樽讀祝各執事前一日下午薦牲習

儀至期黎明整肅衣冠齊集祖祠分班致祭所用禮儀  
悉遵文公所訂家禮而慎行之祭畢按丁發肉紳耆另  
發肥肉胙錢若干午席紳耆畢集祠內宴飲所以餽神  
餘也在城多喚優人演劇侑酒以聯子姓之歡其間有  
不屑爲此者非惜費也以祖廟爲禮法重地恐以是致  
生褻嫫也若本家竈神每月朔望焚香燭供飯八月初  
三竈神誕日及除夕元旦必設齋供主婦率諸婦竈前  
禮拜

歌謠

歌謠有秧歌樵歌秧歌者叙耕耘樹藝田家作苦之事樵  
歌則寫登山踰澗伐木負薪之勞雖辭近鄙俚而質直  
易曉聞之者庶有以動其樂事勸功之心外此率多滯  
聲艷辭音繁節促有損于風教審音者不取也

祈禱

求福曰祈弭災曰禳會俗當春祈福歲晚謝福邑城內外  
舖戶各歛錢齊赴賴侯神祠佛香楮牲醴設供神前兼  
喚優人演劇爲樂或時建醮亦設壇福神廟齋戒延僧  
道焚表鄉間則挨戶歛錢就各處土神社壇祈福病者

會昌縣志 卷十一  
醫稱不瘳多請巫人至家於夜間張掛神像主人肅衣  
冠焚香拜禱巫者扮女裝神前跳躍鳴鑼吹角所唱不  
知何辭徹旦始歇名曰坐夜又謂之招魂亦有僅請道  
士誦經焚表名曰拜文書若病輕者或小兒作寒熱則  
至巫家求翻書巫人執書一本每月每日下細註觸犯  
何神煞及禱禳之法城中則於城外村中則於村外設  
棹一張剪紙作繖供鷄豕或犬名曰作十福或疫癘大  
作束草爲龍遍體插火香鳴鑼擊鼓沿家旋舞以逐癘  
鬼祓除不祥

十二月村市賽會

正月十五元宵會城鄉肆市張燈結綵有龍燈花燈走馬  
燈花鼓燈燈遍謁神祠沿街歌唱十六以後各置酒燕飲  
名曰散燈

二月初三文昌會城鄉皆有之屆期社友相與赴文昌宮  
拜祝神誕餽餘酬飲共享神惠

春社日咸傾釀于壇壝之側歡呼痛飲

十九日觀音會婦女連襟携榼以供大士

三月三日真武祖師會至期演劇慶祝男婦求示靈籤

四月初八浴佛日爲太子會各寺觀設齋供誦經禮懺  
五月五日龍船會是日午刻繪龍于舟雜以旂幟鑼鼓喧  
揚競渡城市觀者如堵

六月十九白衣神誕先一日迎神自水東廟出遊各舖戶  
門首設香案迎接此會水東而外惟高排墟有之

七月七日祁山道人賴神誕日先日迎神出遊城鄉市鎮  
皆演劇恭祝以答神庥

十五日中元會延僧建醮誦經各齋戒

八月十二許真人誕辰各處設齋供至廟稽首喚優人演

戲城鄉皆然

九月九日爲九皇會自初一日始齋至重日止設壇拜斗

誦經

十月初一爲十月朝各齋戒素供于是日清晨謁祖祠及  
各壇宇

十一月謝冬會各村市歲晚務閒恒相與燕飲爲樂以答  
田祖以息農人

十二月謝福會各歛錢設牲醴香供酌謝福神飲酒演劇  
爲樂

續輯風俗

謹按冠昏喪祭諸禮俗舊志臚載甚悉然國奢示儉國  
儉示禮化民者不妨因時變通卽如昏嫁所志中禮雙  
禮及魚肉諸俗近時踵事增華至儉省非二百金不能  
成禮若殷實之戶其侈靡尤甚弔喪之俗父死則家族  
索酒食索孝衫母死則外氏邀集踈房多人糟踏甚有  
多至一二百人藉回豬羊祭而索重利者不遂其願則  
伸中稟官捏詞成訟大失古人賻恤弔慰之誼况會邑  
自賊擾軍興以後地愈瘠民愈貧不幸身罹大故卽衣



會昌縣志 卷一  
三  
衾棺槨殮殮安厝之費多半難以猝辦何堪受此格外  
需索乎孔子曰禮與奢也寧儉喪與其易也寧戚革除  
弊俗培養元氣惟賴賢邑宰因時制宜留心民瘼而權  
宜之斯可耳

又按從來里黨之雍和由于風俗之樸厚家庭之輯洽  
由于禮教之謹嚴古之人州長黨正鄉約族師皆有教  
化之責故能變易澆風戾俗釀成仁里以仰答

邛治之休明者非無因也因輯至粗至俚之言有關偷紀者  
以相勸勉于風俗不無小補焉

家中有爺娘恩深比天地人若無父母朝生暮必死飢  
寒誰撫育幼小誰提攜疾痛與謀生親不辭勞苦教讀  
與配婚事事費親計兒子漸長成爺娘漸衰憊努力爲  
好人切勿爲浪子耕讀與工賈四樣正經紀任你習一  
般勤儉家可起羊有跪乳恩鴉有反哺義如何忤逆人  
遊蕩不知恥王法所不容天心所共恕所以近年來雷  
震驚百里試問擊斃人盡是不孝子

兄弟是同胞比之手與足兄弟不雍和不如禽與畜可  
記孩提時恩愛何其篤日則喜同餐夜則歡同宿兄弟

偶相離呱呱向親哭如何娶妻回兄弟多不睦輕信枕  
邊言參商在骨肉朝夕噪分家相爭錢與穀細故起是  
非甚至成訟獄同室忍操戈不自知恥辱倫常既乖張  
兒孫必齟齬勿失友恭誼良言聽忠告

夫婦人倫首謹慎在初昏娶妻求淑女嫁女擇端人門  
戶既相當年齒亦相稱閨女配童男睚鳩詩可詠不必  
計厚奩切勿索重聘魚肉與利市冗費當節省倘有再  
醮者虛文切勿逞憑媒說定時素輜以相迎近來娶二  
婚結綵更侈盛鼓樂恣喧填鄰里皆相哂重索外氏錢  
十千尤嫌吝再嫁不知羞往往相起衅富女嫌夫貧因  
此頻割枕寄語賢邑侯此風宜重懲

張汝霖曰近日風氣不及前人此特摘其倫紀之大端  
製此俚言以挽頹俗他如輕信堪輿謀人吉壤貪求富  
貴洗檢親骸不習正業聚窩嫖賭不忍小忿輒相械鬪  
輕聽訟師架詞上控會邑壤接閩粵澆漓之習日相浸  
染而江省禮教之風日漸變更鄙簡樸而誇浮靡尚欺  
詐而少誠實有心者不無先進後進之慨焉惟賴賢邑  
侯培養人才去其薄俗之已甚者而懲驚之則此地異

官服法尚志節者多違刁詐者少使之秉禮教而崇信  
義又無難一變而至道云



會昌縣志卷十二

土產志

邑所產鮮珍奇瑰異之物然而布帛菽粟花果樹木禽魚  
鳥獸之屬其適于民用者則亦未嘗不夥矣夫地之所生  
多爲民累明珠遠徙翡翠自殘幾何不怨天之不愛寶也  
王政重菽粟而輕金玉烏貴其有異物哉志土產

穀之屬有早稻

穀雨前種至小暑即可收穫田家種之以濟青黃不接之候

獨鬚早

當頭一穀

蒲形早

苗如蒲草多芒收穫亦早俗呼爲蒲騰早

鐵脚撐

有鬚故名

頓齊禾

百日早

腰帶粘

米粒白者中腰一線

風猛雨不倒言其脚如鐵也

紅粒紅者中芒葉早米粒肥大而員花螺粘米粒紅而相雜饒粘米粒

腰一線白香其粘侶類不可釀酒獨宜作糕餌其賦而滑土人以槐花水漬米蒸熟搗爛作餈餅成除相餉遺名曰黃元

紅穀禾米粒殷翻稻收早稻後再糞田蒔種十月始獲

黃坊出者名芙蓉光粘一名油粘米潔白帶光早糯與

稻味香美最佳立秋後收淮糯立秋前收

大糯俗呼為大禾穀赤米翻稻糯有紅白粒種

紅梗早米光潤而白秀糯穗長米色潔白撐子有粘糯

于早稻稠糊中在山上種不須糞早禾壅有秠秠兩種

八月粘 楔子

麥之屬大麥俗呼為穀麥小麥俗呼為米麥今市中多以

菽麥俗呼為花麥紫莖碧葉白花七月種

粟之屬高粱粟 狗尾粟 鴨踏粟二粟俗皆以形似名

此黃小 薏苡粟其仁可食又可釀珍珠粟各禾粟穗

多米春 種秋收

菽之屬黑豆 黃豆 花螺豆 赤小豆緊小而綠豆性

解金石炒木砒霜之毒夷堅志有服附子酒多頭腫如

斗唇裂血流急取綠豆黑豆各數升并煎湯飲之乃解

紅豆 扁豆即眉豆寧化志載九女人服艸藥墮胎腹濃煎汁亦可愈中砒霜毒者豆生研水絞汁飲血崩不止者白扁豆花焙乾為末每二錢空心炒米汁飲入鹽

少許調 猪牙豆 馬料豆 蠶豆 農書謂其蠶時始熟故名 樹豆 其

粗大多生枝節如樹夏 初種之與晚種同收 青皮豆 刀豆 以糖以益晒之 其暖而補元陽有人病後饑逆不止聲聞于隣或教取

刀豆子焚存性白湯調服二錢取其下氣歸元而逆自 也老胡豆 比刀豆而小俗呼為老虎豆其 雪豆 胡麻

即脂麻又名油麻李時珍云胡麻取油以白者為良服 食以黑者為良取其黑色通腎而能潤躁也

泉之屬有蠶絲 有赤白 芎 葛 蘇 蕉

蔬之屬有薑 說文薑禦濕之菜也初生嫩者其尖微紫名 紫薑或作子謂宿根為母薑也俗以紫薑多

風熱戒少食食品內有醬薑糖薑鹽薑紅薑用薑之 唐憲宗賜馬總泄病腹痛方以生薑和皮切碎併茶葉

相等煎服熱病留薑皮冷病去薑皮大效益薑能助陽 茶能助陰二物皆消散惡氣調和陰陽且解熱濕及酒

食暑氣之毒赤白痢皆宜用之凡中風中暑中毒霍亂 一切卒暴之症用薑汁以童便服之立可解散

芥 爾雅翼云似葱而有毛味極辛辣其類甚多似葱者 名青芥有紫芥莖葉皆紫作齏食之最美有白芥子

舊云從西戎來謂之白胡芥邑中青 芥多紫芥則間有之食品多用芥醬 大菜 白菜 即菘

種一莖員厚而青一莖扁薄而白葉 極大即牛肚菘贛郡惟出寧都者佳 韭 禮曰豐本首春

最美謂之韭黃故云 葱 一名菘一名菜伯一 薤 音械爾

春初早韭冬末晚菘 名和事艸諸物皆宜 薤 雅翼云

物之英華之美者莫如芝故蓮曰水芝芋曰土 芝蜜曰衆口芝薤菜芝服之可以安神養氣也 蒜 為蒜 薤 本艸薤一名薤子但此另一種入食品 油菜 即

薤子可榨油故謂之油菜古方治消 腫散結產後一切心腹氣痛諸症 薤 消食七制麵 莖有鼻衄甚危者醫以薤 御袍黃 狀元紅 薤 類

頭大尾小長有至尺餘者黃紅因其色而名也  
**薯蕷** 有紫白二種  
**山藥** 山中色芋味如薯

一名土芝有水  
**薏蓮** 苘蒿 苘苳 苦菜 苦蕒 即

也亦麥 莧 有紅青 茄 有紫白 三種 瓠菜 初自外國番舶以瓠盛來因名 豆角 有紫綠 二種 玉豆角 色白 瓜仁菜 百合 多採于山中園 蔞菜

二種 味辛辣生幽澗中臘月鄉人人瀾中取其根賣之有紫白二種紫色者佳切薄片入醋中漬之踰時置片杯中

以熱酒斟之 芹 有水旱二種一名刁 蕨 俗名大葉蘆葦 氣似檀香 子芹一名大麥芹 蕨 初生可食土人

握其根春爛以 瓠 爾雅翼曰瓠匏之甘者埋 瓠 埋雅曰 水沉之可作粉 瓠 雅曰長而瘦上者曰瓠 瓠 短頸大

腹者曰瓠有甘苦二 壺 俗作葫蘆匏之短頸大腹者 種老硬者剖之爲瓢 壺 爲壺壺之細腰爲壺盧 鷓冠

子日中流失船一 冬瓜 苦瓜 金瓜 俗呼番瓠嫩則 壺千金即匏也 皮青老則皮色

黃 紅節瓜 以絲瓜大而短有稜嫩可食老者鄭堅可用滌器 綳瓜 短者六七寸長

可食老則皮堅硬筋絡纏紐如 葵菜 芥藍 蕓菜

織成土人呼爲亂積好滌釜器 菠薐 田螺菜 葦菌 木生爲葦有香爲香葦總呼爲

爲菌菌生于夏至前後興化志云煮菌宜切薑 片及投飯粒以試之薑飯黑則有毒不可食 禾筍 一名

菱筍葉似菖 石耳 一名石芝生 蓮子 番椒 俗呼爲辣

蒲八九月出 高山石崖上 蓮子 番椒 子種類非

一嫩時色碧老則朱紅形員小而 花椒 菜萹 葛粉

嘴尖者名鷄心椒尤辛辣可辟瘴 菜萹 葛粉

香椿芽

蔬之屬有番薯 有紅白黃三種生熟皆可食今鄉中種者 多蒸熟切片曝乾以充糗名曰薯蕷

梢瓜 西瓜 王瓜 土瓜 蓮藕 菱 俗呼爲菱角 有紅綠二種

萼薺一名是伏 葡萄 落花生一名長生果

果之屬有梅 桃 李 杏 棗 栗 梨 柰 柿

榛 橘 柑 橙 木瓜 山楂 石榴 金橘 香

櫟 枇杷 楊梅 櫻桃 蔗 梧桐子 佛手柑

青果 白果 蜜靈慶實如破碎青桃肉味甘甜如蜜

木之屬有松 柏 蠟樹 杉俗呼為沙木即說文楠木也 樟 槐

椿 櫻即楸欄也 梓 楠 榕 楓 梧桐 楊柳廣語倒插

為楊順 苦楝 山楸結實似梨形小而味酸澀俗呼為棠菓子 檉和子梓

如脂可為燭 鑿樹即梓木也 穀樹即楮也 柯樹俗呼為和樹 椎樹有二種其實似

粟小而無房甘者可食苦為藥物 絡樹色黑而堅其理紋甚粗俗呼為山鉄力 構樹有紅白二

種質 綢樹色黃紋如縐 空樹板片為篋可禦火災俗最堅 羅漢樹土人剥皮燒之以走蚊蚋 賽天竺樹大有合圍者高四五尺即開極葉浚冬不凋

黃荆樹小即甚脆大則質堅勁有文如蚓 木子樹 桐

子樹有二種一花開于仲春之末一花開于夏初色白如雪 桑樹

竹之屬有猫竹 筴竹 斑竹 紫竹 方竹

苦竹 箭竹細小如箭幹俗呼為實竹子 箬竹 觀音竹 筍竹

櫻竹 猶竹筍春冬俱有惟冬筍味佳 苦竹筍 黃竹筍 野竹

筍 土筍凡筍俱可食

花之屬有蓮紅白二色有單瓣千葉 桂花木註云白為銀桂黃為金桂

紅為丹桂有中蘭花有四季蘭葉如萱草一莖五六花

黃日新記內所指為黃蘭是也有報春魁一莖一花或

二花者人以為瑞迎春而開有秋蘭一莖數花至秋方

開有素心蘭葉大而莖長為大種蘭小而莖短為蕙

小種有石蘭比建蘭葉較小有倒蘭生山谷間

紅蘭有花 賽珠蘭艸本木本 梅花有紅紫 桃花 李花

杏花 梨花 玉蘭 木華即木蓮 茶花 海棠木本有數種

茉莉有洋茉莉雙瓣甚好看但香不如單瓣者 綉毬有二種 菊花有十餘種 木香

紫薇 紫荊 杜鵑 玉簪花 雞冠有數種 護花

木槿古名木芙蓉 薔薇 蜀葵 玫瑰 夜合 嬰粟

蓼花 榴花有紅白鴛鴦三種 虎刺有洋虎刺山虎刺二種 剪春羅 剪

秋羅 滿山紅 鳳仙有紅白鴛鴦雙頭四種 美人蕉 夾竹桃

蛺蝶花 老少年 瑪瑛丹即錦堂春 木芙蓉 秋海棠

玉簪梅種之墻下綠壁而生葉青而厚結蕊如毬每毬有二三十朵 瑞香有二種 涼

傘子 長春花 蠟梅有狗蝇馨口二種 夜來香 蠟燭花

西番蓮 倒東蓮 七姊妹 月月紅有二種 月桂黃紅

種 武陵花 百日紅 胭脂花 辟火蕉 鳳尾蕉

五靈花 草之屬有三凌草種田中一年兩割可為蓆俗呼為蓆草 龍鬚草亦可為蓆 亡絨



繩  
索淡巴菽一名菽草吉祥草

藥之屬有山桂近人取充肉桂南星 半夏 山查 香薷 紫

蘇 薄荷 菖蒲 片和楓 石菖蒲 草決明 益

母炒 車前子 金櫻子 蒼耳子 木鱉子 山柅

子 香附 赤石脂 紫金籐 骨碎補 槐花米

金銀花 鹿銜炒 墨菜 土茯苓 薏苡仁 旱蓮

艸 小苗 何首烏 葛根 蜂蜜 蓖麻子 木賊

女貞子即冬青樹子 山豆根 前胡 百合俗名百菘子 枳實

枳壳 錢紅 厚朴 狗脊 石斛 白頭翁 魚腥

草 木瓜 山奈 棕櫚 夏枯草 穀精草 三七

澤蘭

毛之屬有牛水牛黃 羊 犬 猪 猫 馬 虎 豹

豺 野猪 豪猪 鹿 兔 土喻 獺 狐狸 山

鼠 鼠 鹿有 麋

羽之屬有鷄 鵝 鴨有家鴨湖鴨洋種 雉 烏 鴛鴦

山鳳凰 山鴉鵲 鳩鳩 鵲 鶉 元鳥 黃雀

百舌 鸚鵡 畫眉 麻雀 竹鷄 鷓鴣 雀

白鷺 鳶 鷓鴣 鷓鴣 鷹 鷓 白鷓 鷓鴣

鳴鶴 翡翠 鶴鶴 啄木 白頭翁

鱗之屬有鯉 鮫 鱖 鱒 旁皮赤 鯽 青魚 金

魚 膏魚 鱒 魴 鰕 鱒 鱈 鰻 鮎 南風

魚 即詩所咏鯊也出湘 鯢 俗呼爲

介之屬有龜 鱉 俗呼爲 蟹 蚌 螺 穿山甲 即鱗

蟲之屬有蟬 蜜蜂 黃蜂 螺 蠃 螳螂 螢 蟋蟀

蝨斯 蜻蜓 蝴蝶 水蛭 木少大者爲馬騃腹黃者

駢 蝮蝠 蛙 蠶

金石之屬

貨之屬有木油 或呼爲 菜油 麻油 桐油 樟樹子油

鄉人取其子榨 杉木 草蓆 葛布 婦女巖積以換棉

油用以點燈 紅糖 黃臘 腐乳 永澹 出盤

精者則 苧布 茶 山者

質于市 佳 柏油 菸

